

floræ principium petamus. Divisit ex  
instituto Moyſis Joſue tribui Leviticæ fi-  
liis Aaron quadraginta octo Civitates ad  
habitandum, eaſdemque non ſimul poſi-  
tas; ſed quod e cæteris tribubus eſſent ac-  
ceptæ e diverſis Palæſtinæ locis, ubi ſin-  
gulæ degerent, ab invicem longioribus  
interdum ſpatiis ſeparatas. Cum itaque  
eaſdem Civitates ſortirentur; prima, quæ  
egreſſa eſt forte, data eſt familiæ Caath  
Levitici generis ex filiis Aaron, Civitas  
e tribu Juda, quæ Cariatharbe, aliter ve-  
ro Hebron, ſive Chebron eſt nominata,  
poſita (ut eadem divina Scriptura teſta-  
tur) in monte Juda, in qua quidem re-  
gione nulla alia erat civitas Sacerdota-  
lis.

II. Probatur, Civitas illa, de qua loquitur  
S. Lucas, non fuit Hieruſalem, quia hæc  
non pertinebat ad tribum Juda, ſed ad  
tribum Beniamin; non fuit Betlehem,  
quia hæc quanvis fuiſſet de tribu Juda,  
non erat tamen Civitas Sacerdotalis; non  
fuit Emmaus, quia nec etiam hæc erat  
Civitas Sacerdotalis; nec fuit Civitas Ma-  
cherontis, quia hæc erat de tribu Ruben:  
ergo remanet, quod fuerit Hebron, quæ  
etiam dicitur Cariatharbe, quoniam hæc in  
montanis ſita fuerit ad tribum Juda perti-  
nuerit, & Civitas fuerit Sacerdotalis, in  
qua Zachariæ habitabat. Proſequitur Ba-  
ronius narrare Hebronis decora, nimi-  
rum, quod hæc Civitas, excepta Jeruſo-  
lyma fuerit cæteris Urbibus Palæſtinæ ex-  
cellentior; ibi enim habitavit Abraham,  
David eſt unctus, Patriarcharum ſepul-  
chra videbantur. Joſeph antiqui. lib. 5.  
cap. 1. multa de ejus antiquitate ſcribit,  
quemadmodum etiam de bello judaico  
lib. 5. cap. 6. & Hieronymus de locis he-  
braicis hæc habet; *Eſt quercus Mambre  
juxta Chebron, in qua uſque ad ætatem in-  
fantia mea, & Conſtantii Regis imperium,  
terebinthus monſtratur pervecus, & annos  
magnitudine indicans, ſub qua habitavit  
Abraham; miro enim cultu ab Ethnicis ha-  
bita eſt, & velut quodam inſigni nomine con-  
ſecrata. Et epiſt. 27. Ascendit Chebron,  
hæc eſt Cariatharbe, id eſt Oppidum virorum  
quatuor, Abraham, Iſaac, Jacob, & Adam  
magni, quem ibi conditum, juxta librum Jeſu  
Nave, Hebræi auſumant, licet plerique Ca-  
leb quartum putent, cujus ex latere memo-  
ria monſtratur.* Baronius vero hæc de ea-  
dem Civitate Hebron proſequitur, dicens  
citato loco: „ Qui vero regionis illius  
loca deſcripſerunt, viginti duobus mil-  
liaribus Chebron ab Jeruſolymis diſtare

reſtantur. Quomodo autem idem locus  
quod ibi fuiſſet quercus Mambre, ubi tres  
viſi ſunt Abraham Angeli, qui unum ado-  
ravit, ſumma veneratione a Chriſtianiſ;  
Judæis, pariterque Gentilibus haberetur,  
Sozomenus pluribus ſcribit. Sed de his  
nos ſuo loco deinceps habemus. Jam  
ex dictis ſatiſfactum putamus de præter-  
miſſo nomine Civitatis, nimirum non  
incuriæ historiæ eſſe tribuendum: cum,  
quod diximus, ſufficienter eam nominari  
videatur. Etenim cum dicar Zachariæ  
in illa ſedem fuiſſe, conſtat Sacerdotalem  
fuiſſe Civitatem: cum vero adſciat in  
montanis Juda ſitam, Chebron neceſſario  
ſignificatam eſſe apparet. Unde & cer-  
tum eſt, errare illos, qui per Civitatem  
Juda in montanis poſitam, putant Jeruſo-  
lymam eſſe intelligendam; nam non eſt  
annumerata inter Civitates Sacerdotalis  
apud Joſue Hieruſalem, quæ potius regia  
erat Civitas; quo tantum tempore vicis  
ſuæ Sacerdotes, qui in ſuis habitabant Ci-  
vitatibus, accedere conſueverunt. Bur-  
chardus autem in deſcriptione Terræ  
ſanctæ, domum Zachariæ ſic ponit in  
montanis Judææ, ut tamen ab Hebron,  
ſeu Chebron, novem leucis diſtare, ea-  
demque non in Civitate, ſed in campe-  
ſtribus ſitam dicat; at certe auctore Luca  
Evangelifta, intra Civitatem Juda poſi-  
tam fuiſſe Zachariæ domum, non in  
campeſtribus, conſtat. Quæ autem  
(ut ad rem redeamus) ibi ea ſalutatione  
fuit facta, nempe quod infans in utero  
Eliſabeth exultavit, ſimulque ſanctifica-  
tus eſt, de Mariæ Cantico, ſpirituque  
prophético, Joannis natali, atque Zacha-  
riæ recepta loquela, & gratiarum actio,  
exakte S. Lucas deſcribit, ut non ſit opus  
aliquid addere, vel verbis aliis recenſe-  
re.

Secunda Concluſionis pars probatur I. B. Jo-  
ſeph datus fuit B. Virgini, ut cuſtos fi-  
delis, ut comes individuus, ut adjutor  
fidiffimus in omnibus operibus, ac labo-  
ribus ejus: ergo convenientiffimum fuit,  
ut ipſam in itinere illo longo equidem,  
arduo, ac laborioſo, comitaretur. Ante-  
cedens eſt fere Scriptorum omnium, &  
Patrum, qui de B. Joſepho loquuntur,  
& ſcribunt. Conſequentia ſequitur; ece-  
nim in nullo alio opere, ac labore indi-  
gebat magis Maria Joſephi Cuſtodia, ac  
adjutorio, quam in itinere illo, quod  
ſuſcipere debebat Virgo prægnans & ſo-  
la.

II. Probatur. Qui nobis hæc in parte con-  
tradi-